

# Mahathir puji kaedah Surayud

UM- 2/2/2007

BANGKOK 1 Feb. - Bekas Perdana Menteri, Tun Dr. Mahathir Mohamad memuji pendekatan Perdana Menteri Thailand, Surayud Chulanont dalam menangani konflik di selatan Thai dengan menyifatkan Thaksin Shinawatra telah silap kaedah.

Dalam temu bual dengan saluran Thai, *Channel 5*, Mahathir memberitahu, Surayud telah mengambil "langkah-langkah yang baik" dengan kerajaannya memaafkan kejadian-kejadian masa lalu.

"Thaksin seorang ahli perniagaan. Perniagaan berkaitan dengan soal menang. Anda tidak boleh menang dengan cara yang sama dalam situasi seperti ini," kata beliau dalam temu bual yang dirakamkan minggu lalu.

"Jika Thaksin bertindak seperti ini dari awal lagi, kita boleh mengelakkan pertumpahan berdarah (di selatan Thai)," katanya.

Sementara itu, empat orang maut termasuk seorang penjual ais krim beragama Buddha ditembak mati dan disembelih oleh militan di selatan Thailand hari ini.

- Agensi